

PROGRAMA No. 0430

1 REYES

Cap. 15:25 - 17:7

Ñakontinua ko árape ñande estudio Primer Libro Reyes capítulo 15 pegua. Pe programa ohasava'ekuépe, ñañe'ëkuri rey Asa rehe, ha'eva'ekue rey Judá pegua, ha ja'ékuri oisämbyhyhague 41 año avei ha'ehague rey marangatu. Jahechákuri avei itujakuévo hasyhague ipýgui ha omano. Hekovia ojupíkuri ita'ýra Josafat. Ro'ehaguéicha, jahecha porävéta tenondeve rey Asa ñeisämbyhy, ágä ñaguahë vove Segundo Libro Crónicaspe. Ko'ágä ja'étante Josafat, Asa ra'y ha'ehague ambue rey marangatu. Jahejáta sapy'aite Judápe ha jaháta Israelpe jaikuaa haguä mba'éichapa oĩ hína reino del norte oisämbyhyva'ekue upérö Jeroboam ra'y. Ñamoñe'ë ko'ágä Primer Libro Reyes capítulo 15, versículo 25 ha 26:

1 Reyes 15:25-26 "...umi mba'e vai itúva ojavova'ekue, ha ojavouka ivaíva Israel guápe."

Nadab oisämbyhykuri Israelpe, segundo año oisämbyhyhápe Asa rey Judápe. Ha oisämbyhykuri 2 año aja Israelpe. Jahechakuaa oĩhague heta mba'e vai reino nortéñope umi tiempo aja. Ñamoñe'ë ko'ágä versículo 27 ha 28:

1 Reyes 15:27-28 "...oisämbyhyha Asa Judápe, ha oisämbyhy hendaguépe."

Ikatu ñaimo'ä oĩtamaha py'aguapy, ha katu, ndaupéichai. Py'ýiete oĩkuri ñorairö Asa ha Baasa apytépe. Oĩkuri guerra civil py'ýiete, upéva tuicha omokangy ha omombovyve umi mba'e oguerékova moköive reino. Upéva ombohape moköive reino opyta haguä ambuekuéra tetä oĩva ijerére poguýpe; ha heta jey oúkuri hi'arikuéra Egipto sur guio, avei Siria, ha ipahápe Asiria norte guio. Jahecháta tenondeve ko'ä mba'e reheve jepe, umi gente, ndohejamo'äiha hembiapo vai. Ko'ágä jajuhu oikoha upe profeta Ahías silonita he'iva'ekue, Jeroboam róga rehe. Ñamoñe'ë versículo 29 guive, 31 peve:

1 Reyes 15:29-31 "...opa mba'e ojavova'ekue ojehai Israel ruvicha guasu kuéra kuatiápe."

Rehenduháicha, angirü che rendúva, umi ñe'ë Ñandejára he'iva'ekue profeta Ahías silonita rupive, oikopaite hendaitépe upérö, Baasa ohórö guare ojukapaite Jeroboam rogayguápe, oheja'ÿre ni peteĩ oikove.

Ha péicha opa ñande estudio Primer Libro Reyes capítulo 15 pegua. Ñaguahẽ ko'ágã capítulo 16pe. Ko capítulope jaguereko Jehú profecía Baasa kóntrape. Jaguereko avei Zimri pu'ã ñemi. Omri omyaña Zimripe ohapy haguã pe palacio. Omri ipu'aka Tibni rehe ha omopu'ã Samaria. Jaguereko avei Omri ñeisämbyhy vai ha ambue ñeisämbyhy ivaivéva, upéva Acab. Ipahaitépe, oiko pe maldición he'iva'ekue Josué Hiel rehe, omopu'ã jeýgui Jericó.

Baasa ñeisämyhy vai hi'aré kuri 24 año. Ita'yra Ela ojupíkuri hendaguépe mburuvicha guasu ramo, ha oisämbyhy 2 año mínte. Zimri, peteĩ comandante ojukákuri Elape oka'u aja. Zimri ojukákuri maymáva kuimba'ekuéra Baasa róga pegua; ha'e katu oisämbyhýkuri 7 día mínte, Omri, General Israel ejército pegua ombojerégui Tirsa ha oñemomba'e hese. Zimri upérö, ojesuicidákuri ohapývo pe óga ha'e oĩhague.

Upérö pe reino del norte oñemboja'ókuri Omri ha Tibni apytépe, cuatro año aja. Tibni omanókuri ha Omri oisämbyhýkuri 8 año aja. Omri omopu'ákuri Samaria ha ojapo chugui capital reino norteño rehegua. Omoñapymi Israelpe tembiapo año ruguápe. Itechapyrä ha'ékuri Jeroboam.

Upéi, Acab Omri ra'y, ojupíkuri hendaguépe mburuvicha guasu ramo. Ha'e katu hembiapo vaive itúvaguí. Acab ha'ékuri mburuvicha iñañavéva ambuekuéraguí. Ombohetave tembiapo ñaña omendávo Jezabel, Et-baal rajýre, ha'eva'ekue sidonio kuéra rey ha Baal sumo sacerdote. Umi tembiapo vaieta ndohasaíva'ekue Acab akã rupi, oupava'ekue, Jezabel akägui.

Baasa hetave tiempo oisämbyhýkuri ambuekuéra rey norte peguágui ko'a peve. Oisämbyhýkuri 24 año. Ha katu oje'e ñandéve ko kuimba'e ojejukahague hembiaipo vai haguére. Ñandejára ñe'ë oñemoguahë Baasape Jehú rupive. Ñamoñe'ë ko'ágä Primer Libro Reyes capítulo 16, versículo 1 guive, 4 peve:

1 Reyes 16:1-4 "...ho'úta jagua, ha pe ñúme omanóvape ho'úta yryvu."

Ko tiempo ñembyasy meme rey Baasa rekovépe. Upéicha oiko Baasa oiporavógui ojapo tembiapo vai Jeroboam rogagua oja'pova'ekue; avei ohupytyta chupe jehavira vaiete, jagua ho'utakuri hogagua retekue. Ñamoñe'ë ko'ágä versículo 5 guive, 8 peve:

1 Reyes 16:5-8 "...Ela Baasa ra'y oisämbyhy Israel Tirsápe, ha oisämbyhy 2 año aja."

Ela oisämbyhýkuri 2 año mínte, Zimri ikomandánte opu'ärö guare hese ha omoakä peteï rebelión. Ñamoñe'ë versículo 9 guive, 14 peve, ko capítulo 16 Primer Libro Reyes pegua:

1 Reyes 16:9-14 "...umi oja'pova'ekue, ojehai Israel ruvicha guasu kuéra kuatiápe."

Ela oka'u aja, Zimri oikékuri hógape ha ojuka chupe, veintisiete año oisämbyhýrö guare rey Asa Judápe. Ha'ete niko oï py'yigui ñepu'ä reino del nor-tepe, ni peteï kuimba'e noïri seguro upépe. Zimri ojuka rire Elape, ha'e ojupi oisämbyhy haguä. Ñesämbyhy ndahi'aréiri. Zimri ñeisämbyhy hi'are siete día. Ñamoñe'ë ko'ágä versículo 15:

1 Reyes 16:15 "...ondyry haguä filisteo táva Gibetón rehe..."

Oikókuri, ambue complot ha rebelión oityva'ekue Zimripe ñesämbyhýgui. Ñamoñe'ë ko'ágä versículo 16 ha 17:

1 Reyes 16:16-17 “...Gibetóngui, hendive Israel guakuéra, ha ondyry Tirsáre.”

Upe tiémpope heta mba’e ijetu’úkuri ha ouvétakuri ára iñypytüvéva. Ñamoñe’ë ko’ágä Primer Libro Reyes capítulo 16, versículo 18 guive, 20 peve:

1 Reyes 16:18-20 “...ojehai Israel ruvicha guasu kuéra kuatiápe”

Zimri omano rire, Omri opyta mburuvicha guasúrö reino del nortepé. Omri opu’ä ha ojupi rire rey ramo, heñói jey ambue problema. Peteĩ kuimba’e opu’ä Omri rehe ha he’i ijehe ha’eha rey. Hérakuri Tibni. Ñamoñe’ë ko’ágä versículo 21 ha 22:

1 Reyes 16:21-22 “...Ipahápe Tibni Ginat ra’y omano ha Omri opyta rey ramo.”

Omri ojukákuri Tibnipe, upéi oisämbyhy. Oisämbyhýkuri 12 año. Ha’ékuri rey iñañava’ekue. Ohasa ambuekuéra reype hembiapo vaikuépe. Ñamoñe’ë versículo 23 al 26:

1 Reyes 16:23-26 “...ombopochývo Ñandejára Israel Járabe tupä gua’ukuéra reheve!

Omri hembiapo vaivékuri ambuekuéra rey oisämbyhyva’ekue ha’e mboyvégui. Omri orekókuri peteĩ ta’ýra ojupiva’ekue hekovia mburuvicha guasúrö ha upe ita’ýra hembiapo vaivékuri ambuekuéra Israel mburuvicha guasúgui. Ñamoñe’ë ko’ágä Primer Libro Reyes capítulo 16, versículo 27 ha 28:

1 Reyes 16:27-28 “... Samariápe ha hendaguépe oisämbyhy ita’ýra Acab.”

Omri, ro’e haguéicha, ohasákuri ambuekuéra reype hembiapo vaikuépe. Ita’ýra Acab katu, ohasa jey itúva Omripe ojapóvo tembiapo vai. Ñamoñe’ë ko’ágä versículo 29 ha 30:

1 Reyes 16:29-30 “...Ñandejára renondépe ha ivaive voi umi imboyve guarégui.”

Angirü che rendúva, nde regueroviárö Omri ha'ehague mburuvicha depravado, rehechakuáta ita'ýra Acab, idepravadove hague. Ñamoñe'ë ko'ágä versículo 31:

1 Reyes 16:31 “...Et-baal rajýre, ha oñesü Baal renondépe, omomba'eguasú chupe.”

Acab heko ñañákuri, hembireko tuicha oipytyvökuri chupe ojapo haguä tembiapo vai. Hembireko ha'ékuri iñirü tembiapo vairä. Tembiapo vaikuéra ndohasáiva Acab akä rupi, ohasa Jezabel akä rupi. Jezabel noimo'äiva, avave noimo'ávéma. Jezabel ha'ékuri kuña iñañáva añetehápe. Acab ha Jezabel ñemoirü ha'ékuri combinación ivaivéva ikatúva jaikuaa. Roikuaa Amán ha hembireko, jajuhúva libro Esterpe iñañákuri. Herodes ha Herodías iñañákuri avei, ha jaikuaa avei Ptolomeo Dionisio ha Cleopatrape. Oï avei Felipe I España pegua ha María la Sanguinaria, umíva, oñomoirükuri opaichagua tembiapo aña ojapo haguä. Umi 4 pareja ningo añetehápe iñañákuri ha opyta hembiasakuéra ojehaipyre históriape. Oïkuri avei ambuekuéra pareja tembireko ha'ehápe upe imbaretévéva tembiapo aña ojejapo haguä. Techapyrä: jaguereko Catalina de Médicis ha Enrique II Francia pegua; Lucrecia Borgia (ha'eva'ekue peteï Papa rajy) ha Alfonso; Macbet ha Lady Macbet; Luis XV ha María Antonieta Francia pegua. Ko'áva niko ha'ékuri pareja ojekuaavéva historiape, hembiaapo aña va'ekue; ha katu, umíva ndohasái Acab ha Jezabelpe. Ha'ekuéra omoakä oimeraëichagua lista tekove aña rehegua.

Jezabel, oje'e ñandéve ha'ehague peteï rey rajy, ha'eva'ekue avei tupä gua'u Baal sacerdote. Ojukákuri iñermano teépe. Iñinteresante jahechakuaa Jezabel he'iseha “soltera” téra “sin cohabitación.” Upéva he'ise, Acab ha Jezabel ñemenda ndaha'éikuri mborayhu rupi. Vaicha, ndaipórikuri joaju añete ni mborayhu ko'ä moköi tekove apytépe. Jezabel ha'ékuri kuña heko kuimba'éva, oñemombaretéva hembipotápe. Oguerohory ha ojapo kyre'ý reheve tembiapo aña. Ndoguevíri mba'évépe ha heko mbarete. Ndorekói mba'eveichagua sentimiento moral. Ha'ékuri kuña ndokyhyjéiva ojapo haguä oimeraë mba'e, avei kuña

iñañavéva jajuhúva historiape, chupe ndohasái avave.

Nuevo Testaméntope, Libro Apocalipsispe, Ñandejára Jesucristo omondókuri marandu Iglesia Tiatira peguápe. Upe marandúpe Ñandejára Jesucristo he'íkuri: *“Areko jepe peteĩ mba'e ha'eva'erä nde rehe. Nekangy pe kuña Jezabel ndive, he'iva ijehe maranduharaha, ha ombotavýva che rembiguái kuérape, omyañávo chupekuéra teko vaípe ha ho'úvo umi tymba ojejukava'ekue kuave'emby ramo ta'änga reikuérape.”* Ko'ä ñe'ë jajuhu Apocalipsis, capítulo 2, versículo 20pe. Jezabel ha'ékuri kuña mbarete. Cristo omondókuri ko marandu Iglesia Tiatira guápe, ha'ekuéra ohaságui tiempo jehayhu'ÿ rehegua; upéva ohechauka porä mba'éichapakuri Jezabel. Ojehúkuri ambueve mba'e upérö, ohechaukáva mba'éichapa ivaíkuri umi tiempo. Ñamoñe'ë Primer Libro Reyes capítulo 16, versículo 32 al 34:

1 Reyes 16:32-34 “... he'i haguéicha Ñandejára, Josué Nun ra'y rupi.”

Pe tiempo oñehundirö guare Jericó, Josué he'íkuri peteĩ mba'e jajuhúva amo libro Josué, capítulo 6, versículo 26pe: *“Ñandejára tojahéi upe omopu'ä jeývare táva Jericó.”* Ha noñemopu'äveiva'ekue upe ára peve, Acab ha Jezabel tiempope, ha upe maldición he'iva'ekue Josué, oikókuri Hiel rehe, omopu'ä jeyva'ekue Jericó.

Ñandejára, tekotevëkuri oguereko peteĩ kuimba'e upépe, Acab ha Jezabel ojupirö guare mburuvicha guasúrö. Ñandejára tekotevëkuri oguereko máva ikatúvape ohenonde'a umi hembiapo vaiete. Ha oïmakuri upe kuimba'e. Ha'ékuri peteĩva umi kuimba'e tuichavéva ojehaíva hese Ñandejára Ñe'ëme. Peteĩ kuimba'e ojevýtava ko yvy ape ári otestifica haguä umi ára pahápe; umi árape oïtagui heta ikangýva irrodíllape ha naimbaretéiva, upévale oñeme'ëtava. Ha Ñandejára omondo jeýta yvy ape ári testigo ramo Elíaspe, ha'égui kuimba'e noñeme'ëiva tembiapo aña renondépe.

Ha péicha ñamohu'ä ñande estudio Primer Libro Reyes capítulo 16 pegua. Jaike ko'ágä

capítulo 17pe. Ko capítulo 17pe, Elías, he'i rire profecía Acab rehegua, ñemondo chupe Queritpe, upépe yryvukuéra ogueraháta chupe hembí'urä. Ñandejára omondo Elíaspe peteĩ viuda rendápe Sareptape; ha omopu'ä omanóva apytégui pe viuda membýpe. Elías, pe profeta, oho primera vez, oikéro guare Acab ha Jezabel rendápe, ha he'i chupekuéra ndokymo'äiha 3 año aja, ha'e he'i peve. Upéi, osẽ upégui oike haguéicha. Upémarõ oho arroyo Queritpe, upépe yryvukuéra ogueraha chupe hembí'urä. Ha hoy'u ysyrygui ikä meve. Ohechakuaa hekove ojoguaha ysyry sékope. Añetehápe, ikatúkuri opurahéi pe himno: "Hazme una fuente de Bendiciones- Ejapo chehegui ysyry jehovasa rehegua."

Ñandejára omondókuri Elíaspe peteĩ viuda rendápe táva Sareptape. Heta ára aja Elías omañákuri peteĩ harina ryrü nandíre ha opurahéi jepi. Ohechakuaa hekove, ndaha'eiveha peteĩ harina ryrü nandígui. Omanórõ guare pe viuda memby, ohechakuaa ñande rekove nadaha'eiveha peteĩ omanóva retokuégui. Ha avei ohechakuaa tekove oikoha jepoko rupi. Ñañepyrüna jahechakuaa Elías rembiapo, he'iva'ekue ndokymo'äiha 3 año aja. Elíaspe jajuhu Primer Libro Reyes capítulo 17pe, peteĩ hendáicha. Ñanemandu'áke Acab ha Jezabel ha'eha mburuvicha guasu reino nortéñope. Ñamoñe'ẽ, capítulo 17, versículo 1:

1 Reyes 17:1 "...ndokymo'äi ha ndo'amo'äiha ysapy, che ha'e peve."

Elías oikékuri Acab ha Jezabel rendápe ha omombe'u chupekuéra mba'éichapa oĩ pe tiempo. He'i chupekuéra ndokymo'äiha, ha'e he'i peve, ha ha'e ñemomombyrytaha távaguí. Ndoguerekói mba'eve he'iveva'erä chupekuéra. Upémarõ, osẽ upégui pya'ete voi oike haguéicha. Roguerovia Acab ha Jezabel noñeñandu poräihague noha'arõigui avave araka'eve oñe'ẽ chupekuéra péicha, hesakä porä ha kyhyje'ýre. Ha katu, tenondeve ohechakuaa hikuái Elías ojepokuaaha oñe'ẽ upéicha.

Ñaimo'ä jepi Elías ha'eha kuimba'e toscó ha tuicháva, añetehápe upéichakuri. Ha katu oĩ ambueve mba'e ro'eséva ko'ápe, upéva niko Ñandejára tekotevëkuri oprepara ha ohekombo'e Elíaspe. Ñandejára katuete oreko peteĩ método oentrena haguä kuimba'ekuéra

Ha'e oipurúvape, ha upe método rupive oĩ ohova'ekue desierto. Nemandu'ápa upépe Ñandejára oguerahahague Moiséspe. Ñandejára oguenohékuri Abrahampe Ur de los caldeosgui ha omoĩkuri chupe yvy tenda ikorochohápe. Upéicha Ñandejára ojapókuri avei Juan el Bautista ndive. Apóstol Pablo ohasákuri dos año completo desierto Arabia peguápe. Upe método Ñandejára oipurúkuri oentrena haguä kuimba'ekuérape. Katuete oĩ jepi mbo'epy tekotevëva oikũmby. Ñamõñe'ë ko'ágã Primer Libro Reyes capítulo 17, versículo 2 ha 3:

1 Reyes 17:2-3 "...ekañy ysyry Querit rembe'ýpe, oiva y Jordángui kuarahy resë gotyo."

Ñandejára he'íkuri Elíaspe oho haguä mombyry porä upégui ñu gotyo. Upémarö, Elías oho desierto gotyo ha oguahë peteĩ ysyry ypýpe. Ha Ñandejára he'i chupe versículo 4pe:

1 Reyes 17:4 "...ha'éma yryvukuérape ogueraha haguä ndéve ne rembi'urü."

Ñandejára oipurúkuri mokõi mba'e oñangareko haguä Elías rehe desierto. Peteĩva ha'ékuri pe ysyry, upégui orekókuri y oikotevëva. Pe ysyry ha'ékuri medio natural. Ambue mba'e ha'ékuri sobrenatural. Yryvukuéra ohótakuri hendápe, jahechataháicha, ogueraha haguä chupe hembi'urä. Ñamõñe'ë ko'ágã, versículo 5 ha 6:

1 Reyes 17:5-6 "...pan ha so'o pyhareve ha ka'aru. Ha hoy'u ysyrygui."

Upérö, Elías opyta upépe peteĩ tiempo aja. Upéi ojehu peteĩ mba'e. Ñamõñe'ë versículo 7:

1 Reyes 17:7 "Ndahetái ára rire katu hypa pe ysyry, ndokýgui upe tetäme."

Jajuhu Elíaspe desierto, oho ysyrype pyharevekue, ha ohechakuaa pe y oguejyha ohóvo ko'ë ko'ëre. Upe ojapova'erákuri niko omoĩnge medidor ýpe oikuaa haguä mboýpa oguejy

jepi cada día. Upéi, ikatúta okalkula mboy árapepa ikatukuaa omano yuhéigui. Ha ko'ápe jaguereko pe medida matemática, ha maymáva orekóva sentido común oikuaáta mboy ára rirépa ikatukuaa omano yuhéigui.

Ha, ndépa reikuaa, angirü che rendúva, péva ha'eha angaipa estadística rehegua? Ko'ágä rupi ojejepokuaa ojehechakuaa mba'éichapa oï iglesia, estadística rupive. Nde reho ramo reunión hápe peteï Iglesiape ha rehechakuaa ary aja pe ofrenda oñembyaty porä, oïha miembro pyahu, avei hetaveha ojehe; oje'e upe Iglesia oho poräha. Ha iporä ramo jepe umi estadística, ikatu espiritualmente ndaupéichai, noï poräigui.

Máva omombe'úkuri peteï jey peteï predicador opu'ähague reunión oikóva iglesia ohohápe ha he'íkuri: “Jajerure Tesorerope tome'ë informe jaikuaa haguä mba'éichapa oï ñande iglesia.” Peteïva umi miembro he'i chupe: “Hermano Pastor, eremína oréve, mba'épa nde erese upéva ejerurévo? Ha pe Pastor ombohováikuri: “Jaikuaáta mba'e apañuäipepa ñaime.” Iñinteresante, angirü che rendúva, pe estado oïha heta iglesia téra organización, ohechauka heta jey mba'e apañuäipepa oï hikuái, umi estadística hesäi ramo jepe.

Upérö, Elías ikatúkuri okalkula mba'e árapa ikatúkuri omano yuhéigui. Ikatúkuri okalkula Matemática rupive. Ha katu, añetehápe, umi cifra matemática rehegua, nomoingéiri peteï factor iñimportantetereíva, ha upéva niko pe fuego espiritual ko situaciónpe.

Ko'ápe, angirü che rendúva japytáta ko árape, opáguima ñande aravo. Ñakontinuáta, Ñandejára pytyvö rupive pe programa oútavape. Upe aja, ¡Ñandejára tanderovasa ndéve ha nde rogayguápe!